



SPRACHWELTEN

Il «gastro(s)pass» è in spass

I dovra sulettamain in spiert innovativ e la gastronomia po far blers daners. In fin nas han ils manaschis che sa partecpeschan al «gastro(s)pass». Trais tschaveras per 99 francs – quai tuna bain. In crutsch ha quest (s)pass dentant: ils menus èn fixs, il pretsch però mo per part.

L'offerta è carmalanta. Mangiar trais giadas ordaifer per mintgamai 33 francs. Quest divertiment ma lubesch jau ina giada ad onn. Jau dovrel mo paucas minutas fin che jau hai tschernì l'emprima ustaria. In sguard en l'Internet basta, cunzunt sch'ìls menus èn descrits curt e bain. In fa vegnir l'aua en bucca a mai, quai vul dir empustar en l'hotel... Mintga giada capita dentant il medem. Ils custs da l'avantpast, dal plat principal e dal dessert èn cuverts. Ma tgi paja las bavrondas, il vin ed il vinars per digerir? Il pli tard cura ch'ìns survegn il quint fan ins eglìns. Il «gastro(s)pass» sa revelescha sco spass e cugliunaria! La necessitad è la mamma da las invenziuns. Per far daners ha l'inventader giugà cun dus pleds – pass e spass. Il success è dentant grond e la finamira cuntanschida. Ils daners culan. Numerusas personas fan diever da la purschida. Sco ch'ìgl è dentant era cun autras offertas cugliuna l'apparientscha. Jau sun in uffant ars e vegn probablmain era a restar disfidanta en l'avegnir. Janu, perquai mangel jau vinavant mes menus cun bler appetit e ser trais giadas ad onn in egl. Engion vi u nà, cugliunà è quel che sa lascha cugliunar. Era quest onn cumprel jau il «gastro(s)pass». Per mai è e resta el in divertiment. Viva e bun appetit!

Sybille Pfiffner